

A D

VIRUM CLARISSIMUM

RIC. MEAD, M.D.

EPISTOLA,

V A R I A S

Lithontripticum *Joannæ Stephens,*

EXHIBENDI METHODOS

I N D I C A N S.

A U C T O R E,

DAVIDE HARTLEY, A.M.

---

BATHONIAE: Typis T. BODDELY.

Prostant venales apud J. LEAKE & G. FREDERICK, Bibliopolas Bathonienses; & M. COOPER Londinensem.

---

M.DCC.LI.

Digitized by the Internet Archive  
in 2019 with funding from  
Wellcome Library

<https://archive.org/details/b30548275>



# BOOKS

*Sold by J. LEAKE and W. FREDERICK,  
Booksellers in Bath.*

1. **A** View of the present Evidence for and against Mrs. Stephens's Medicines, as a Solvent for the STONE; containing 155 Cases, with some *Experiments* and *Observations*. By D. HARTLEY. pr. 2s.

2. An Account of some *Experiments* and *Observations* on Mrs. Stephens's Medicines for *dissolving* the STONE; wherein their *dissolving Power* is inquired into and shewn. By ST. HALES. D. D.

To which is added a SUPPLEMENT to *The View of the present Evidence, &c.* being a Collection of some Particulars relating to the *Discovery* of these Medicines, their *Publication, Use, and Efficacy*. By D. HARTLEY. pr. 1s. 6d.

3. DE LITHONTRIPTICO a Joannâ Stephens nuper invento Dissertatio Epistolaris, Auctore D. HARTLEY. Ed. Sec. Cui adjicitur Methodus exhibendi Lithontripicum sub formâ commodiore. Accedunt etiam conjecturæ quædam de Sensu, Motu & Idearum Generatione. pr. 1s. 6d.

4. *Observations on MAN, his Frame, his Duty, and his Expectations.* 2 Vol. 8vo. By D. HARTLEY. pr. 10s. 6d.



VIRO CLARISSIMO  
RIC. MEAD, M.D.

D. H A R T L E Y,

S. P. D.

CUM primū ea, quæ in Lithon-  
tripticum Joannæ Stephens, &  
in illud sumptu publico redi-  
mendi auctores, nuper dixisti, tu perlege-  
rem, incertus hæsi, quid mihi factus opus  
effet: An omnia denuo ad trutinam re-  
vocarem, & evincerem, si modò pensi-  
tentur ipsius morbi natura gravis & per-

Monit. & Præcept. Med. Cap. 10.

tinax, atque remedii moles necessaria,  
*noxas fallaciamque* nihilo plus Huic objici  
debere, quam Opio, Mercurio vel Cor-  
tici Peruviano, nunc quidem probatissi-  
mis, sed olim pro exitialibus habitis,  
idque a viris celeberrimis; an potius  
quicquid habarem, silentio premerem, ne  
forte quod Tibi, mihique molestum,  
nemini satis acceptum foret.

MEDIUM tenere cursum tandem insti-  
tui. Breviter nimirum, atque uno in-  
tuitu, ob oculos ponam varias Lithon-  
tripticum exhibendi methodos, quas me  
jam docuit experientia plus satis cumu-  
lata; adjungamque in super monitiones,  
vel unicuique methodo proprias, vel ad  
universas simul pertinentes; omni tamen  
altercatione procul habitâ. Si utique,  
si quibus hoc gratum futurum sit, lumen  
de meo lumine accendam, officioque in  
socios doloris, quod mihi demandavit  
Summus rerum Arbiter, pro virili defun-  
gar; neque tamen vel Tibi, vel probo  
cuvis, inopportunitus uti spero; videbor.

Illud interea tanquam inopinatum, & ab æquitate tuâ alienum queri liceat, T. E., qui in obvios quoscunque comis & urbanus esse, bene autem merentibus de re medicâ, vel etiam literariâ quâvis, summâ cum benignitatem favere soleas, in Lithon-triptici Fautores acerbius invectum fuisse; & non potius laudi illis dedisse, quod Arcanum sine pretio vulgatum Virorum dignitate, fidè, ingenio, artis nostræ peritiâ illustrium examini subjecerint, neque aliam viam ad præmium reportandum aperiri voluerint, quam quæ, veris licet rerum Inventoribus facilis & munita, Jactatoribus tamen & Falsiloquis esset impervia.

## METHODUS PRIMA.

EXHIBEANTUR drachmæ tres calcis ex liquido conveniente, & unciæ duæ saponis in aquæ sesquilibrâ coquendo solutæ, quotidie.

## METHODUS SECUNDA.

EXHIBEATUR calx eodem modo, sapo autem sub formâ cylindrorum mollium.

## METHODUS TERTIA.

CONTUNDANTUR partes tres calcis, partes sedecim saponis in massam mollem, adjectâ aquâ quantitate sufficiente. Exhibetur eadem quantitas calcis & saponis, ac in methodis præcedentibus, sub formâ cylindrorum mollium.

## METHODUS QUARTA.

DILUATUR hæc massa, aquâ denuo adjectâ, ad consistentiam electarii mollis, & exhibetur hujus electarii quantitas proportionalis, in cerevisiâ tenui soluta.

## METHODUS QUINTA.

DILUATUR aquâ ulterius ad consistentiam cremoris lactis, & exhibetur hic tremor per se, quantitate itidem proportionali.

METHO-

## METHODUS SEXTA.

EXHIBEANTUR calcis; salis fixi alkalini, singulorum drachmæ tres ex lacte, vel cremore ejus, quotidie.

## METHODUS SEPTIMA.

EXHIBEANTUR unciæ duæ saponis sub formâ cylindrorum mollium, & libræ tres vel quatuor aquæ calcis ex testis ostreorum paratæ, paululo lacte admixto, quotidie.

## MONITIONES.

CALX, quâ ufa est *Joanna Stephens*, confecta fuit e testis ovorum. Calx verò testarum ostreorum usui accommodatior est, utpote parabilior. Testæ enim ovorum aperto igni commode exponi non possunt, sed crucibulo includendæ sunt, ideoque plūs temporis ad calcinationem perficiendam requirunt. Testæ ostreorum detinendæ sunt in igne vehementi per horas tres vel quatuor, neque demum exigendæ

mendæ nisi igne sponte extincto. Indicia calcinationis perfectæ sunt albedo, fragilitas & fapor acer calcis vivæ ex lapide calcario paratæ.

TESTÆ ostreorum calcinatæ exponendæ sunt aëri per mensem vel circiter, nimirum donec fatiscant in pulverem impalpabilem, qui a partibus crassioribus, non rite calcinatis, ope setacei separandus est, atque denuo aëri exponendus, & saepè versandus, ut mitescat. Si calx exponatur secundâ hâc vice per mensem duntaxat unum, acris etiamnum erit ut plurimum; sin per tres vel quatuor, mitis.

CALX mitescit etiam repetitis affusib⁹ aquæ. Quin et ex ipsis testis recens calcinatis statim parari potest calx mitis eadem ratione. Verum pulverandæ sunt prius, & per setaceum trajiciendæ. Lotione peractâ calx probè siccanda est super ignem in vase ferreo.

Quibus organa digestionis validâ sunt,  
& dolores in viis urinariis leves, iis conve-  
nit calx acris, quippe solvendi vi pollen-  
tior. Quibus hæc contraria sunt, calx  
mitis. Præstat mitissimam exhibere uni-  
versis sub primum remedii usum, quò or-  
gana digestionis & urinæ sensim assuescant  
valentiori, & tandem valentissimæ, si vi-  
sum fuerit.

Sapo, quo ipse utor, Alicanticus est;  
illum enim Castiliensi & Veneto, qui in  
officinis vulgò prostant, aliquantò potio-  
rem esse arbitror. Verùm hi substitui  
possunt deficiente Alicantico.

METHODUS prima ferè eadem est cum  
illâ, quæ a *Joannâ Stephens* publici juri  
facta est. Liquidum conveniens exhibiti-  
oni calcis acris parari potest ex spiritu  
vinosi tenuioris, vel spiritu facchari,  
parte unâ aquæ partibus duabus, vel  
paulò minùs, addito si libuerit faccharo.  
Hujus enim liquidi vis spirituosa facrem  
calcis saporem quodammodo obtundet, &  
ventriculum

ventriculum simul muniet. Utile porrò erit superbibere paululum ejusdem liquidi devoratâ saponis solutione, cum hæc et palato ingrata sit, & fauces per aliquod tempus irritet.

INCÖMMODIS jam memoratis occurritur per methodum secundam. Etenim post aliquot vices repetitas cylindrorum deglutitio peragitur facillimè, & ferè sine ullo sapore, tantillo liquidi præscripti, vel aliis cujusvis, in os assumpto. Verùm sapo probè contundendus est, aquâ adjectâ, idque repetitis vicibus per aliquot dies, ut admodum emolliatur, alioquin ventriculum gravabit.

HÆ duæ methodi virtute prorsus eadem sunt, & præcipuè conveniunt iis, qui a dolore vesicæ ferè immunes, citæ calculi solutioni unicè incumbunt. Exhiberi enim potest calx admodum acris, adeoque solvendi virtute admodum pollens, ope liquidis spirituosi, salvis interea faucibus & ventriculo. Verùm liquidum istud spirat

spirat unā cum calce acri ad inflammationem vesicæ augendam; quocirca dolore urgente neutiquam imperanda est harum methodorum utravis.

Si alvus nimium laxetur a methodo primâ, secundam aggredi oportebit; & vicissim redeundum est subinde ad primam, secundâ ventriculum gravante. Etenim sapo solutus, utcunque palato & faucibus molestus, ventriculo tolerabilis est, imò nonnunquam acceptus & utilis. Tota quantitas calcis & saponis, quotidie sumenda juxta has methodos, non incommodè dividi potest in dôses trés, & sapo secundâe methodi formari in cylindros quindecim, ex utrâque extremitate parum acuminatos, & longitudinis duorum digitorum transversorum. Licet autem ægroto de his, ut et de temporibus assumendi, statuere pro libitu, cum totus rei cardo in eo versetur, ut quantitatem justam ingrat; quâ scilicet urina abunde & perpetim inficiatur virtute solvente calcis & saponis.

Possunt quidem hæ methodi accommodari iis, qui dolore calculoso admodum vexantur, si nimirum calx mitis exhibetur e cerevisiâ tenui vel mediâ; cerevisia enim et dolores lenire solet, & calci miti obtundendæ sufficiet. Sic et vinum album, vel purum, vel aquâ commixtum, erit pro vehiculo satis idoneo calci miti. Ægrotis autem hujusmodi potius expedit alicui ex tribus methodis insequentibus infistere.

In methodo tertiatâ, magis etiam quam in secundâ, sedulò & vicibus quam plurimis repetitis, per aliquot item dies, contundendus est sapo cum calce, ut massa lithontriptica mollissima sit; aqua verò addi debet donec massa fere duplo ponderosior sit sapone, qui ipsam ingreditur. Porrò si calx acris adhibetur, massa aëri exponenda est, & sape versanda, per mensem vel ultra, ut hâc ratione calx mitescat; mitescat autem citius in massâ lithontripticâ propter ejus humiditatem, quam per se. Hæc nisi rite observentur, cylindri

cylindri e massâ istâ formati statim durefcent, & proinde ventriculum gravabunt, sicutimque movebunt; vel si admodum durescant, per intestina transibunt integri; quæ tamen singula si præcaveri possint (possunt autem sæpen numero ratione habitâ cautionum præscriptarum) omnium præstantissima invenietur hæc methodus ter- tia, utpote nauseæ prorsus expers. Quan- titas massæ lithontripticæ quotidie sumen- da formari potest non incommode in cylindros viginti, & horum quinque deglu- tiri facillimè quater quotidie.

FATENDUM quidem est et calcis et sa- ponis vim solventem imminui expositione massæ, sed compensatur hæc imminutio lenimine dolorum exinde orto; namque sapo perinde ac calx, et virtute debilior fit, & nî multùm fallor, doloribus calculofo- rum leniendis aptior, accessu aëris libero. Quocirca, ubi dolor gravis urget, massa omnino exponenda est, & sæpe versanda, per septimanam unam vel alteram, ut ut calx priùs mitigata fuerit. Quòd si hæc

virtus anodyna massæ lithontripticæ ab  
 ejus expositione ortum ducens, mihi olim  
 satis perspecta fuisset, sæuos illos cruciatus,  
 qui me nuperis annis invasere, multò ma-  
 turiūs, ut opinor, compescuisse. Porrò  
 fieri potest, & fiet, uti spero, futurâ Me-  
 dicorum solertiâ, ut methodus quemvis  
 calculosorum dolorem notabilem demul-  
 cendi ex hoc fonte derivetur. Imò non  
 est dubitandum, quin maximi progressus  
 in calculo tum allevando, tum extirpando,  
 jamdudum facti fuissent, si modo Tu,  
 Vir Clarissime, cæterique medicinæ An-  
 tistites, Lithontriptico corrigendo & per-  
 ficiendo operam dedissetis.

Si cylindri lithontriptici gravent ventri-  
 culum, vel ob aliam quamvis causam mi-  
 nùs placeant, recurrere oportet ad electa-  
 rium vel cremorem. Horum sapor non  
 admodum ingratus est, si vel massa ex  
 quâ confecta sunt, vel ipsa postea sub for-  
 mis propriis, aëri satis exposita fuerint;  
 eritque eò minùs ingratus, quò minùs  
 perfectè solvitur electarium, vel in cere-  
 visiâ

visiâ tenui, vel in aquâ ad cremorem conficiendum. Frustula enim electarii non soluta vix feriunt palatum. Crêmor oculo magis arridet, quàm solutio electarii in cerevisiâ tenui; cerevisia autem aboleat ingratum saporem electarii magis quàm aqua, quàd diluitur in cremorem. Hinc patet remedium methodi quartæ statu valentiori ingeri posse, quàm remedium quintæ. Quòd si electarium solvatur in aquâ paululò vino dulci commixtâ, erit medii saporis inter electarium in cerevisiâ tenui solutum & cremorem. Si horum quodvis ventrem nimis solvat, recurrendum est subinde ad cylindros lithontripticos. Quantitas electarii soluti, vel cremoris quotidie sumenda dividi potest in tres doses, mensuram libræ dimidiæ continentes, vel paulo minùs, si consistentia sit spissior.

DUM hæc scribo occurrit mihi alia methodus parandi massam lithontripticam, quam Pharmacopolis ulteriùs probandam commendô. Lquentur super ignem unicæ

ciæ sedecim saponis in vase ferreo stannato, aquæ quasi librâ adjectâ, liquatæ effundantur in mortarium marmoreum, & probè misceantur cum calcis unciis tribus. Sic e vestigio fiet massa lithontriptica mollissima, quæ deinde dilui potest in electarium & cremorem. Possunt etiam hæc singula mitigari sine morâ, aquæ affusione & super ignem lentum vaporatione repetitâ. Sapo eâdem ratione liquatus, sed aquæ quantitate minori additâ, formari potest facillimè in cylindros saponaceos methodi secundæ & septimæ; quinetiam aliis usibus medicis accommodus erit.

MEDICIS auctor sum, ut accendentibus calculosis præcipiant aliquam ex tribus methodis proximè prægressis, & multò potius caveant a remedii nimiâ acrimoniam, quam a nimiâ inertiam. Exhibeant etiam quantitatem præscriptâ minorem. Etenim longè satius est calculoso dolorum lenimen redimere tædio assumendi, quam citam calculi solutionem cruciatu gravi.

Solutio

Solutio autem calculi lente saltem procedet, ut ut leniantur dolores. Postea sensim augeri debet et vis, et quantitas remedii; atque tandem, si eo uti possit & velit æger, remedium primæ vel secundæ methodi imperari. Hæc omnia si rite fiant, nec me consilii dati, nec medicum vel ægrum accepti pœnitabit.

Qui fabuli & lapillorum fabulosorum generatione, atque dolorifico deinde per ureteres transitu, vel et e vesicâ ejectione, tantum vexantur, hæc mala certissimè præpedire possunt tertiam, vel quartam parte, massæ lithontripticæ præscriptæ assumptâ. Eadem porrò quantitas nonnunquam sufficit doloribus calculosorum arcendis; senum imprimis, si recte auguror.

METHODUS sexta simplex est, nec inelegans. Constat utique remedium hujuscemodi tribus corporibus simplissimis, & ubique gentium inveniendis, calce nimirum, sale fixo & lacte. Nec palato valde displicet, nec ventriculo nocet,

nocet, modò adsit iusta mensura lactis vel tremoris ejus, libra scilicet dimidia pro singulis drachmis calcis & salis fixi. Sed longè minus aptum esse videtur doloribus calculosorum leniendis quam massa lithontriptica, electarium vel tremor, aëri prout oportet exposita. Si huic pulveri lithontriptico affundatur aqua, fiet lixivium lithontripticum, quale est notum illud *Jurini*, nisi quod in *Jurini* lixivio calx æquetur dimidiæ tantum parti salis fixi, uti ab experimento bis capto conjicere licet. Varia olim tentavi, quo vehiculum huic pulveri maximè congruum invenirem, neque quidvis tunc occurrebat lacte potius, quapropter illud præcepi *Dissertatione de Lithontriptico*. Verum lactis tremor longè præstat, id quod credere par est, & nuper expertus sum. Si quis detrahatur de virtute lithontripticâ hujus pulveris, eò quod solutio salis fixi perfere non multum valeat ad calculos solvendos, repono, verisimile esse volatilitatem, hoc est, vim solventem donari urinæ a sale fixo, perinde ac a calce, pari ratione atque

atque hæc utraque volatilem reddunt salem ammoniacum, sicut innui in *Dissertatione de Lithontriptico*; nec non lixivium quoddam saponarium confici in primis viis, calce & sale fixo unitis. Ut taceam, virtutem lithontripticam lixivii *Juriniani* satis superque patuisse nupero exemplo, illustrissimo simul & miserrimo †; noxa verò exinde orta, me judice, debebatur defectui vehiculi idonei investientis. Namque remedium hujusce methodi et ipse aliquoties assumpsi, & aliis exhibui quantitate supra præscriptâ, quæ *Jurinianâ* multò major est, sine noxâ insequente. Porrò vis ejus solvens manifestissima fuit in uno ægrotorum. Non inutile esset fortasse experiri quo usque pulvis lithontripticus mitigari posset vel aquæ affusionibus & vaporationibus iteratis, vel aëris accessu diutino, manente interea virtute calculis solvendis idoneâ.

METHODUS septima ducta est ex iis,  
quæ a doctissimo Roberto *Whytt* experi-

---

† Com. de Orford.

*mentis comperta sunt, & a Te ipso utilitatis publicæ causâ memorata.* Saponis quantitas eadem est ac in methodis quinque primis ; libræ autem tres vel quatuor aquæ calcis subeunt vicem trium drachmarum calcis ipsius. An verò methodis istis solvendi vi potentior fit, an aliis nominibus potior, tandem forsan patebit, comparatione institutâ, per ægrotorum experimenta. Quantitas aquæ calcis quotidie ebibenda pluribus tædio erit, etiamsi fapor ejus ingratus paululi lactis commixtione ferè evanescat. Attamen hæc ipsa quantitas, nî fallor, dolores a calculo oriundos sæpe minuet ; quamvis in me ipso expertus optato successu frustratus sim.

QUÆCUNQUE e methodis descriptis eligatur, necesse erit ut æger sibi temperet à luxu, edacitate, & vini compotatione, ab aromaticis & sale conditis, ab acidis & acescentibus. Cerevisiam tenuem excipio, quanquam inter acescentia numerari possit ; lenit enim tum dolores a calculo, tum irritationem a Lithontriptico acriori oriundam

dam. Idem tenendum est de liquoris cuiusvis tenuis potu copioso; modus autem servandus est, cum et acescentia cerevisiae tenuis, & copia liquorum quorumvis pota, minuat urinæ medicatæ vim solventem.

OPTANDUM esset, ut qui ordinatae victus rationi se nolint subjicere, ab hoc remedio omnino abstinerent, ne re infectâ, vel et in pejus mutatâ, & Lithontriptico male culpato, cursum abrumperent, sibi ipsis nocivi, aliis etiam injurii,

OPTANDUM esset quoque, ut remedium assumentes calculis in urinâ suâ medicatâ digerendis operam darent. Hinc enim fieret, ut vi ejus solvente oculorum fide comprobâtâ, munirentur contra rumores in vulgus sparfos, & temerè admissam a doctis indoctisque opinionem de Lithontripticorum naturâ nimis acri quam ut vesica impune ferat; neque lentâ operandi ratione bene perspectâ, spem conceptam prorsus abjicerent propter sanationis moram longiorem. Quinetiam simul pates-

ceret, quid valeret regimen, aut methodus remedium parandi diversa, ad vim urinæ augendam vel minuendam; unde præcepta & cautiones practicæ, non levis forsitan momenti, deduci possent. Experimenta verò in ipsam urinam medicatam instituta longo vincunt intervallo, quæcunque in varias aquas calcis, vel saponis solutiones institui possunt; sive eo consilio fiant, ut urinæ medicatæ vis solvens debitâ remedii & victûs ordinatione intendatur, sive ut dubitantibus rata sit. Neque tamen hæc sunt contemnenda.

MONENDI sunt etiam calculosi Lithontriptico utentes, ut caveant quām maximè a motu corporis nimio, in quem valde proclives esse solent lenitis doloribus. Etenim ægro exercitia solita repetente, propter inducias remedii usu & quiete aliquali impetratas, ex improviso profiliat hostis, *expertus loquor,* & inflammationem vesicæ cum spasmis horrendis excitabit. In tali rerum statu imperanda est quies omnimoda, victus lenissimus, medicamenta ex opio

opio parata, Lithontripticum mitissimum, quantitate etiam supra præscriptâ minori, tentando exquirendâ. Huic regimini favente Deo, ipse jam evasi, doloris proximum expers; & spero me in posterum usque expertem mansurum, si modò cautior fiam malorum præteriorum experientiâ. Imò spero me non semper mihi ipsi opprobrio, sociis autem laborantibus offendiculo futurum, sed tandem a calculo prorsus liberatum iri; quippe prodere jampridem nuclei septem, prodeunte etiamnum indies fragmenta calculosa, parvula quidem & numero pauca, sed vera, & solutionis veræ, lentissimæ licet, documenta non convellenda.

QUEMQUE verò exitum mihi dederit bonorum omnium Dator Ter Optimus, Maximus, non erit æquum ut remedii existimatio inde tollatur, utcunque immuni oporteat. Hoc interim aliorum causâ, summâ cum fide edico, me ex quatuordecim, & quod excurrit, annorum testimonio nihil hucusque colligere posse, unde pris-

tina

tina mea de eo sententia infirmetur,  
 Quinimo fidissimis varij generis experi-  
 mentis nixus persuasum habeo, unam-  
 quamque e methodis præcedentibus et in-  
 noxiā esse (sextam non excipio cautē  
 initam) & parem calculis quibusvis via-  
 rum urinariarum demum solvendis; ete-  
 nim cùm calculi omnes ex iisdem elemen-  
 tis constent, omnes iisdem menstruis sub-  
 jici credendum est, uti exposui in *Differ-  
 tatione de Lithonriptico* †. Profectò si  
 vel noxarum, vel fallaciæ suspicione justâ  
 laboraret

† ANALOGIA porro solutionum reliquarum postulare videtur, ut  
 menstruum (*i. e. urina medicata*) par solvendis tot calculis, ad  
 omnes tandem comminuendos, ut ut multū inter se discrepantes,  
 efficax reperiatur. Aurum omne solvitur ab aquā regiā, sulphur  
 omne ab alcali fixo, substantia omnis animalis a lixivio saponis, resi-  
 næ omnes ab alcoholē, gummi omnia ab aquā. Quod itidem dici  
 potest de concretis quibusvis, quorū partes coagmentantur ope  
 gummi, resinæ, &c. dissolvantur oportet concreta illa ope aquæ,  
 alcoholis, &c. respectivè. Jam vero prædicta corpora, tam sol-  
 venda quām solventia, licet eodem generali titulo comprehensa, pa-  
 tiuntur diversitates majores vel minores ob causas innumerās, propter  
 quas etiam solutio promptius vel tardius perficitur. Eadem ratione  
 diversa sunt & calculorum & urinæ medicatæ genera, a diversis æta-  
 tibus, temperamentis & id genus aliis, originem ducentia; modus  
 item solutionis, tempusque illi absolvendæ necessarium, magnopere  
 variantur, tum intra tum extra corpus, uti patet ex Historiis & expe-  
 rimentis supra recensitis, quæ idcirco se mutuò stabiliunt, simulque  
 Analogiæ allatæ fidem adstruunt. Attamen non est credendum, si  
 calculus A constet ex aëre sub formā inelasticā, aquā, oleo, sale &  
 terrā,

laboraret remedium, nequaquam adduci possem, ut hanc Tibi moram facerem. Sin Veritatem mente sincerâ & studio indefesso quæsitam asseditus fuero, me Illius causam haud facile deserturum puto.

---

terrâ, calculum B quovis horum prorsus destitui. Ideoque, sive urina medicata alcalina aërem latentem expedit, sive oleum ad se trahat, sive tendat ad salis neutrius partem acidam, illamque a terrestri salis parte dissociet, sive magnâ vi imbibita calculum disrupat, sive horum unumquodque quodammodo præstet, (possunt enim forsitan omnia cognitione quâdam inter se conjungi,) sive quævis alia sit ejus actio, verisimillimum est, eandem actionem efficacem fore ad calculos quoqvis solvendos, licet variato modo & tempore, pro variâ naturâ, & proportione mutuâ partium componentium calculi, & urinæ medicatæ. Calculus parvus I 4, granorum 21 cum dimidio, non erat integre absumptus ab urinâ medicatâ, nisi absoluto 11 septimanarum spatio; quare, positis iisdem circumstantiis intra corpus ac in experimento 3°, calculus ejusdem generis, pendens unciam integrum desideraret annos aliquot ad sui solutionem perficiendam. Laborant nonnulli per annos decem, viginti, triginta, nec tamen adest illis calculus major, quam qui in aliis subnascitur spatio multò breviori. Ubi autem calculi generantur tardè, credibile est, augmentum fieri per appositionem elementorum minorum, atque adeo hæc elementa arctius cohærere inter se, juxta observatum *Newtoni*, ex Phænomenis quam plurimis comprobatum, quæcumque tandem sit cohæsionis causa. Quapropter expectari potest, ut calculi, tardè increcentes, tardè quoque decrescant; & ut, qui laboraverint per annos permultos, necesse habeant, semet tædio remediorum longiori subjicere. Fieri etiam potest, ut in junioribus acidi abundantia, olei vero inopia, partim in causa sint, quod eorum calculi difficilius cedant remediorum actioni. Verum, ut tandem finem faciam, non vereor asserere, & pro asserto meo vindicando ad experientiam futuram provocare, omnes calculos viarum urinariarum plus minusve semper decrescere, ubi hæc remedia justâ quantitate assumuntur, cum idoneo regimine. *Dissert. de Lithontrip. In quâ Remedii vis solvens tot & tantis argumentis stabilitur, ut supervacaneum esset de eâ disputare in hâc Epistolâ.*

Neque

Neque Illa me deseret, vindicem licet indignum ; sed prævalebit tandem, criminazione omni; non minùs quàm patrocinio, superior.

ADDAM multa me movere ut credam Lithontriptici usum Podagricis quàm plurimis profuturum ; imò, si ei adjungatur legitimus aquarum Bathoniensium usus, tum externus, tum internus, horum non nullos, pro deploratis habitos, quodammodo restitui posse ; morbum verò nondum adultum sensim quidem, at tutissimè, quasi dissipatum iri.

RESTAT, Vir Clarissime, ut cum ingenuis omnibus, Tibi maximas habeam gratias pro iis, quæ in praxi medicâ apprime utilia monuisti & præcepisti, exoptemque senectutem longam, placidam, & spei melioris non fallendæ plenam.

*Dabam Bathoniæ  
Aug. 2, 1751.*

F I N I S.